



ԱՐՏԱԿ ՎԼԱԴԻՄԻՐԻ ՄԱՂԱԼՅԱՆ

Ծննդյան տարեթիվ՝ 06.12.1977

Ծննդավայրը՝ ԶԶ, քաղաք Երևան:

Արտակ Վլադիմիրի Մաղայանը 1994 թ. ավարտել է Երևանի թիվ 96 միջնակարգ դպրոցը: 1995–1997 թթ. ծառայել է ԶԶ զինված ուժերում: 1997 թ. ընդունվել և 2001 թ. գերազանցությամբ ավարտել է Երևանի պետական համալսարանը, իսկ 2003 թ. նույն համալսարանի մագիստրատուրան՝ «Արցախի մեդիաական տների տոհմաձառերը» ավարտական թեզով:

Արտակ Մաղայանն 2003 թ. աշխատանքի է անցել ԶԶ ԳԱԱ պատմության ինստիտուտում, նախ՝ որպես կրտսեր գիտաշխատող, ապա՝ գիտաշխատող, ավագ գիտաշխատող: Չբաղվում է Արցախի միջնադարյան պատմության ուսումնասիրությամբ: 2007 թ. պաշտպանել է թեկնածուական ատենախոսություն «Արցախի մեդիությունները և մեդիական տները XVII–XIX դդ.» թեմայով, որը նույն թվականին լույս է տեսել որպես առանձին մենագրություն:

Ա. Մաղայանը յոթ գրքի և ավելի քան 80 պատմագիտական հոդվածների հեղինակ է, որոնց մի մասը հրատարակվել են Ռուսաստանում, Իտալիայում, Ավստրիայում, Լիբանանում, Իրանում, Բելառուսում, Մոլդովայում, ԱՄՆ-ում և Կանադայում: 2006 թ. Վիեննայի «Հանդես ամսօրեայ» հայագիտական տարեգրքում հրատարակել է Հակոբ Չաքարյան Շուշեցու «Պատմութիւն գաւառին Արցախու» աշխատությունը: 2007 թ. նրա խմբագրությամբ լույս է տեսել «Շուշին հայոց քաղաքակրթության օրրան» գիտական հոդվածների ժողովածուն:

Ա. Մաղայանի գիտական աշխատությունների մյուս ուղղությունը նվիրված է Իրանի նշանավոր տիրակալ Նադիր շահի (1736–1747) գործունեությանը վերաբերող սկզբնաղբյուրների հայտնաբերմանն ու հրատարակմանը: 2010 թ. նրա աշխատասիրությամբ լույս է տեսել «Նադիր շահի դարաշրջանի պատմագրական հուշարձանները» գիրքը, որում ընդգրկված են Իրանի XVIII դարի պատմության երկու սկզբնաղբյուրների հայերեն թարգմանությունները: 2024 թ. Թեհրանի հեղինակավոր «Իրանի պատմություն» հրատարակչությունը հայտնի մտավորական Գարուն Սարգսյանի թարգմանությամբ լույս է ընծայել այդ գրքի պարսկերեն թարգմանությունը:

Ակտիվորեն մասնակցում է նաև ադրբեջանցի «պատմաշինարարների» դեմ մղվող քարոզչական պայքարին: Այդ թեմայի շրջանակներում 2012 թ. լույս է տեսել նրա «Арцахские меликства и меликские дома в XVII–XIX вв.» ռուսերեն աշխատությունը (Երևան, 2012) և մի շարք հոդվածներ: Այդ մենագրության համար 2013 թ. արժանացել է ԶԶ Գիտությունների Ազգային ակադեմիայի, Համաշխարհային հայկական կոնգրեսի, Ռուսաստանի հայերի միության և ԶԶ Սփյուռքի նախարարության հայտարարած «Լավագույն գիտական աշխատանք» համահայկական մրցանակաբաշխության I կարգի մրցանակի՝ հասարակական գիտությունների բնագավառում:

2015 թվականից համատեղության կարգով աշխատանքի է անցել նաև Մաշտոցի անվան Մատենադարանի միջնադարյան աղբյուրագիտության բաժնում՝ որպես ավագ գիտաշխատող:

Ա. Մաղայանի աշխատասիրությամբ 2016 թ. լույս է տեսել մահմեդական պատմագիր Միրզա Ա-դիգյոզալ-բեկի «**Ղարաբաղ-Նամե**» աշխատության XIX դ. հայերեն թարգմանությունը:

2025 թ. լույս է տեսել Ա. Մաղայանի «**Արցախի մելիքությունները XVII–XIX դդ.**» ծավալուն աշխատությունը:

Նա իր մասնակցությունն է բերել նաև «Հայոց պատմություն» ակադեմիական բազմահատորյակի հեղինակային և խմբագրական աշխատանքներին: Հայաստանում և արտերկրում մասնակցել է մի քանի տասնյակ միջազգային և հանրապետական գիտաժողովների, հայագիտական և կովկասագիտական միջազգային կոնգրեսների, կլոր սեղան քննարկումների և գիտագործնական աշխատաժողովների:

Ա. Մաղայանը 2018 թ. ՀՀ պաշտպանության նախարարի կողմից պարգևատրվել է «Վազգեն Սարգսյան» հուշամեդալով և պաշտպանության նախարարության պատվոգրով:

Ամուսնացած է, ունի երկու երեխա: